

**ՊԵՏՈՒԹՅԱՆ ԿԱՐԻՔՆԵՐԻ ՀԱՄԱՐ ԱՇԽԱՏԱՆՔՆԵՐԻ ԿԱՏԱՐՄԱՆ  
ՊԵՏԱԿԱՆ ԳՆՄԱՆ ՊԱՅՄԱՆԱԳԻՐ  
N ՀՀ ԼՄՎՔ ԳՀ ԱՇՁԲ-19/68**

ք. Վանաձոր

«16» հուլիսի 2019թ.

ՀՀ Լոռու մարզի Վանաձորի համայնքապետարանը, ի դեմս Մ. Ասլանյանի, որը գործում է համայնքապետարանի կանոնադրության հիման վրա (այսուհետ՝ Պատվիրատու), մի կողմից, և «Ունո փրոջեքթ» ՍՊԸ-ն, ի դեմս տնօրեն Գոռ Իվանյանի, որը գործում է ընկերության կանոնադրության հիման վրա (այսուհետ՝ Կատարող), մյուս կողմից, կնքեցին սույն պայմանագիրը հետևյալի մասին:

**1. ՊԱՅՄԱՆԱԳՐԻ ԱՌԱՐԿԱՆ**

1.1 Պատվիրատուն հանձնարարում է, իսկ Կատարողը ստանձնում է նախագծանախահաշվային փաստաթղթերի մշակման և փորձաքննության եզրակացության տրամադրման աշխատանքների կատարման պարտավորությունը (այսուհետ՝ աշխատանք)՝ համաձայն սույն պայմանագրի (այսուհետ՝ պայմանագիր) անբաժանելի մասը կազմող N 1 հավելվածով սահմանված Տեխնիկական բնութագիր-գնման ժամանակացույցի պահանջների:

1.2 Աշխատանքը կատարվում է պայմանագրի N 1 հավելվածով սահմանված Տեխնիկական բնութագիր-գնման ժամանակացույցին համապատասխան և սահմանված ժամկետներով:

**2. ԿՈՂՄԵՐԻ ԻՐԱՎՈՒՆՔՆԵՐԸ ԵՎ ՊԱՐՏԱԿԱՆՈՒԹՅՈՒՆՆԵՐԸ**

**2.1 Պատվիրատուն իրավունք ունի՝**

2.1.1 Ցանկացած ժամանակ ստուգել Կատարողի կողմից կատարվող աշխատանքի ընթացքը և որակը՝ առանց միջամտելու Կատարողի գործունեությանը.

2.1.2 Եթե կատարվել է պայմանագրի N 1 հավելվածում նշված Տեխնիկական բնութագիր-գնման ժամանակացույցին չհամապատասխանող աշխատանք.

ա) Չընդունել աշխատանքը՝ իր հայեցողությամբ սահմանելով անպատշաճ որակի աշխատանքը պայմանագրին համապատասխանող աշխատանքով անհատույց փոխարինման ողջամիտ ժամկետ և պահանջել Կատարողից վճարելու պայմանագրի 5.2 կետով նախատեսված տուգանքը, ինչպես նաև 5.3 կետով նախատեսված տույժը.

բ) Հրաժարվել պայմանագիրը կատարելուց և պահանջել վերադարձնելու աշխատանքի համար վճարված գումարը և պահանջել Կատարողից վճարելու պայմանագրի 5.2 կետով նախատեսված տուգանքը.

2.1.3 Միակողմանի լուծել պայմանագիրը, եթե Կատարողն էականորեն խախտել է պայմանագիրը: Կատարողի կողմից պայմանագիրը խախտելն էական է համարվում, եթե՝

ա) կատարված աշխատանքը չի համապատասխանում պայմանագրի N 1 հավելվածով սահմանված պահանջներին,

բ) խախտվել է աշխատանքի կատարման ժամկետը:

**2.2 Պատվիրատուն պարտավոր է՝**

2.2.1 Քննարկել և ընդունել Տեխնիկական բնութագիր-գնման ժամանակացույցին համապատասխան կատարված աշխատանքի արդյունքը, իսկ աշխատանքի արդյունքում թերություններ հայտնաբերելու դեպքերում՝ այդ մասին անհապաղ գրավոր հայտնել Կատարողին:

2.2.2 Աշխատանքի արդյունքն ընդունելու դեպքում Կատարողին վճարել վերջինիս վճարման ենթակա գումարները, իսկ ժամկետի խախտման դեպքում՝ նաև պայմանագրի 5.5 կետով նախատեսված տույժը:

**2.3 Կատարողն իրավունք ունի՝**

2.3.1 Պատվիրատուից պահանջել վճարելու իրեն վճարման ենթակա գումարները, իսկ Պատվիրատուի կողմից պայմանագրի 4.2 կետում նշված ժամկետի խախտման դեպքում նաև պայմանագրի 5.5 կետով նախատեսված տույժը:

## 2.4 Կատարողը պարտավոր է՝

2.4.1 Պայմանագրի N 1 հավելվածով սահմանված պայմաններով ապահովել աշխատանքի կատարումը՝ ղեկավարվելով գործող օրենսդրությամբ:

2.4.2 Պայմանագրով նախատեսված դեպքերում վճարել պայմանագրի 5.2 և 5.3 կետերով նախատեսված սույժը և տուգանքը:

2.4.3 Պայմանագրի կատարման ապահովման գործողության ընթացքում լուծարման կամ սնանկացման գործընթաց սկսելու դեպքում դրա մասին նախապես գրավոր տեղեկացնել Պատվիրատուին:

2.4.4 Նախագծային փաստաթղթերի մշակման ժամանակ՝

1) շինարարական ծրագրի կատարման համար օգտագործվող նյութերի տեխնիկական բնութագրերը կազմել «Գնումների մասին» ՀՀ օրենքի 13-րդ հոդվածի պահանջներին համապատասխան,

2) ներկայացնել կապալի օբյեկտի, դրա առանձին մասերի (կոնստրուկցիաներ և այլն) և օգտագործված նյութերի երաշխիքային ժամկետներին ներկայացվող նվազագույն պահանջները,

3) ներկայացնել շինարարական ծրագրի կատարման համար անհրաժեշտ լիցենզիային, տեխնիկական միջոցներին և աշխատանքային ռեսուրսներին ներկայացվող պահանջները,

4) պատվիրատուին նախագծային փաստաթղթերը ներկայացնել թղթային և էլեկտրոնային տարբերակներով,

5) ներկայացնել ըստ աշխատանքների առանձին տեսակների կատարման օրացուցային գրաֆիկը:

## 3. ԱՇԽԱՏԱՆՔԻ ՀԱՆՁՆՄԱՆ ԵՎ ԸՆԴՈՒՆՄԱՆ ԿԱՐԳԸ

3.1 Կատարված աշխատանքը ընդունվում է Պատվիրատուի և Կատարողի միջև հանձնման-ընդունման արձանագրության ստորագրմամբ: Աշխատանքը Պատվիրատուին հանձնելու փաստը ֆիքսվում է Պատվիրատուի և Կատարողի միջև երկկողմ հաստատված փաստաթղթով՝ նշելով փաստաթղթի կազմման ամսաթիվը:

Մինչև պայմանագրով աշխատանքի կատարման համար նախատեսված օրը ներառյալ Կատարողը Պատվիրատուին է տրամադրում իր կողմից ստորագրված՝ աշխատանքը Պատվիրատուին հանձնելու փաստը ֆիքսող փաստաթուղթը (հավելված N 3.1), իսկ էլեկտրոնային գնումների armeps համակարգի միջոցով (գործողության իրականացման ձեռնարկը տեղադրված է [www.procurement.am](http://www.procurement.am) հասցեով գործող կայքի «էլեկտրոնային գնումներ» բաժնում)՝ նաև հանձնման-ընդունման արձանագրությունը (հավելված N 3): Ընդ որում Կատարողը հանձնման-ընդունման արձանագրությունը չի կնքում, հաստատում է էլեկտրոնային ստորագրությամբ՝ լրացնելով միայն այն սյունակները, որոնք վերաբերում են իր տվյալներին (լրացման կարգը տեղադրված է [www.procurement.am](http://www.procurement.am) հասցեով գործող կայքի «Օրենսդրություն» բաժնի «Ֆինանսների նախարարի հրամաններ» ենթաբաժնում):

3.2 Եթե կատարված աշխատանքը համապատասխանում է պայմանագրի պայմաններին, Պատվիրատուն պայմանագրի 3.1 կետում նշված փաստաթղթերը ստանալու օրվան հաջորդող աշխատանքային օրվանից հաշված 10 աշխատանքային օրվա ընթացքում ստորագրում և էլեկտրոնային գնումների armeps համակարգի միջոցով Կատարողին է տրամադրում իր կողմից ստորագրված հանձնման-ընդունման արձանագրությունը և դրա ստորագրման համար հիմք հանդիսացած դրական եզրակացությունը:

3.3 Եթե կատարված աշխատանքը կամ դրա մի մասը չի համապատասխանում պայմանագրի պայմաններին, ապա Պատվիրատուն չի ստորագրում հանձնման-ընդունման արձանագրությունը և սույն պայմանագրի 3.2 կետում նշված ժամկետում էլեկտրոնային գնումների armeps համակարգի միջոցով Կատարողին հետ է վերադարձնում հանձնման-ընդունման արձանագրությունը և դրա չստորագրման համար հիմք հանդիսացած բացասական եզրակացությունը: Սույն կետի կիրառման դեպքում Պատվիրատուն ձեռնարկում է նման իրավիճակի համար պայմանագրով նախատեսված միջոցները և Կատարողի նկատմամբ կիրառում է պայմանագրով նախատեսված պատասխանատվության միջոցներ:

3.4 Եթե պայմանագրի 3.2 կետով սահմանված ժամկետում Պատվիրատուն չի ընդունում կատարված աշխատանքը կամ չի մերժում դրա ընդունումը, ապա կատարված աշխատանքը համարվում է ընդունված և պայմանագրի 3.2 կետով սահմանված վերջնաժամկետին հաջորդող աշխատանքային օրը Պատվիրատուն էլեկտրոնային գնումների համակարգի միջոցով Կատարողին է տրամադրում իր կողմից ստորագրված հանձնման-ընդունման արձանագրությունը:

## 4. ՊԱՅՄԱՆԱԳՐԻ ԳԻՆԸ

4.1. Պայմանագրով Կատարողի կատարման ենթակա աշխատանքի գինը կազմում է 3.920.000 (երեք միլիոն ինը հարյուր քսան հազար) ՀՀ դրամ:

Գինը ներառում է Կատարողի կողմից իրականացվող բոլոր ծախսերը՝ այդ թվում հարկերը, տուրքերը և ՀՀ օրենսդրությամբ սահմանված այլ վճարները:

Աշխատանքի կատարման գինը կայուն է և Կատարողն իրավունք չունի պահանջել ավելացնելու, իսկ Պատվիրատուն նվազեցնելու այդ գինը:

4.2 Պատվիրատուն կատարված աշխատանքի դիմաց վճարում է ՀՀ դրամով անկանխիկ՝ դրամական միջոցները Կատարողի հաշվարկային հաշվին փոխանցելու միջոցով: Դրամական միջոցների փոխանցումը կատարվում է հանձնման-ընդունման արձանագրության հիման վրա՝ պայմանագրի վճարման ժամանակացույցով (հավելված N 2) նախատեսված չափերով և ամիսներին: Եթե արձանագրությունը կազմվում է տվյալ ամսվա 20-ից հետո և այդ ամսում վճարման ժամանակացույցով նախատեսված են ֆինանսական միջոցներ, ապա վճարումն իրականացվում է մինչև 30 աշխատանքային օրվա ընթացքում, բայց ոչ ուշ, քան մինչև տվյալ տարվա դեկտեմբերի 30-ը:

## 5. ԿՈՂՄԵՐԻ ՊԱՏԱՍԽԱՆԱՏՎՈՒԹՅՈՒՆԸ

5.1 Կատարողը պատասխանատվություն է կրում աշխատանքի կատարման՝ սույն պայմանագրի պահանջների պահպանման համար:

5.2 Պայմանագրի N 1 հավելվածում նշված տեխնիկական բնութագրին չհամապատասխանող աշխատանք կատարելու յուրաքանչյուր դեպքում Կատարողից գանձվում է տուգանք՝ պայմանագրի 4.1 կետում նախատեսված գումարի 0,5 (զրո ամբողջ հինգ տասնորդական) տոկոսի չափով Ընդ որում տուգանքը հաշվարկվում է նաև ապրանքի մատակարարումը սույն պայմանագրով սահմանված ժամկետում կատարելու, սակայն պատվիրատուի կողմից այդ չընդունվելու դեպքում:

5.3 Պայմանագրով նախատեսված աշխատանքի կատարման ժամկետը խախտելու դեպքում Կատարողից յուրաքանչյուր ուշացված աշխատանքային օրվա համար գանձվում է տույժ՝ կատարման ենթակա, սակայն չկատարված աշխատանքի գնի 0,05 (զրո ամբողջ հինգ հարյուրերորդական) տոկոսի չափով:

5.4 Պայմանագրի 5.2 և 5.3 կետերով նախատեսված տուգանքը և տույժը հաշվարկվում և հաշվանցվում են աշխատանքը կատարելու արդյունքում Կատարողին վճարման ենթակա գումարների հետ:

5.4.1 Շինարարական ծրագրերի կատարման ընթացքում նախագծային շեղումներ առաջանալու դեպքում նախագծողը պատվիրատուին վճարում է տուգանք՝ յուրաքանչյուր արձանագրված շեղման հետևանքով առաջացած կորստի չափով: Ընդ որում՝

ա. շեղում է համարվում աշխատանքների կատարման ընթացքում Հայաստանի Հանրապետության օրենսդրությամբ սահմանված կարգով հաստատված և փորձաքննական եզրակացություն ունեցող նախագծային փաստաթղթերի ամփոփ նախահաշվով չնախատեսված աշխատանքների ծախսերի համար նախատեսված չափը, ներառյալ ավելացված արժեքի հարկը, գերազանցող լրացուցիչ ծավալի աշխատանքների ի հայտ գալը, իսկ տուգանքի չափը հավասար է լրացուցիչ ծավալի աշխատանքների չափին,

բ. կորուստ են համարվում նախագծային այնպիսի շեղումները, որոնք հանգեցնում են փաստացի կատարված աշխատանքների փոփոխմանը (քանդման, վերակառուցման և այլն) և լրացուցիչ աշխատանքների կատարմանը, իսկ տուգանքի չափը հավասար է կորստի և Հայաստանի Հանրապետության օրենսդրությամբ սահմանված կարգով հաստատված և փորձաքննական եզրակացություն ունեցող նախագծային փաստաթղթերի աշխատանքների ամփոփ նախահաշվով չնախատեսված աշխատանքների ծախսերի համար նախատեսված չափը, ներառյալ ավելացված արժեքի հարկը, գերազանցող լրացուցիչ ծավալի աշխատանքների հանրագումարի չափին:

5.5 Պատվիրատուի կողմից պայմանագրի 4.2 կետով նախատեսված ժամկետի խախտման դեպքում Պատվիրատուի նկատմամբ յուրաքանչյուր ուշացված աշխատանքային օրվա համար հաշվարկվում է տույժ՝ վճարման ենթակա, սակայն չվճարված գումարի 0,05 (զրո ամբողջ հինգ հարյուրերորդական) տոկոսի չափով:

5.6 Պայմանագրով չնախատեսված դեպքերում կողմերն իրենց պարտավորությունները չկատարելու կամ ոչ պատշաճ կատարելու համար պատասխանատվության են ենթարկվում ՀՀ օրենսդրությամբ սահմանված կարգով:

5.7 Տույժերի և (կամ) տուգանքի վճարումը Կողմերին չի ազատում իրենց պայմանագրային պարտավորությունները լրիվ կատարելուց:

## 6. ԱՆՀԱՂԹԱՀԱՐԵԼԻ ՈՒԺԻ ԱԶԴԵՑՈՒԹՅՈՒՆ (ՖՈՐՍ-ՄԱԺՈՐ)

Սույն պայմանագրով և սույն պայմանագրի հիման վրա կնքված Համաձայնագրերով պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է սույն

պայմանագիրը կնքելուց հետո, և որը կողմերը չէին կարող կանխատեսել կամ կանխարգելել: Այդպիսի իրավիճակներ են երկրաշարժը, ջրհեղեղը, հրդեհը, պատերազմը, ռազմական և արտակարգ դրություն հայտարարելը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում սույն պայմանագրով պարտավորությունների կատարումը: Եթե արտակարգ ուժի ազդեցությունը շարունակվում է 3 (երեք) ամսից ավելի, ապա կողմերից յուրաքանչյուրն իրավունք ունի լուծել պայմանագիրը՝ այդ մասին նախապես տեղյակ պահելով մյուս կողմին:

## 7. ԱՅԼ ՊԱՅՄԱՆՆԵՐ

7.1 Սույն պայմանագիրն ուժի մեջ է մտնում կողմերի ստորագրման պահից և գործում է մինչև կողմերի սույն պայմանագրով ստանձնած պարտավորությունների ողջ ծավալով կատարումը:

7.2 Պայմանագրից ծագած՝ կողմի վճարային պարտավորությունը չի կարող դադարել այլ պայմանագրից ծագած՝ հակընդդեմ պարտավորության հաշվանցով, առանց կողմերի գրավոր և կնիքով հաստատված համաձայնության: Պայմանագրից ծագած պահանջի իրավունքը չի կարող փոխանցվել այլ անձի, առանց պարտապան կողմի գրավոր համաձայնության:

7.3 Այն դեպքում, երբ օրենքով նախատեսված կարգով օրենքի պահանջների կատարման նկատմամբ հսկողության կամ վերահսկողության կամ բողոքների քննության արդյունքում արձանագրվում է, որ գնման գործընթացում, մինչև պայմանագրի կնքումը, Կատարողը ներկայացրել է կեղծ փաստաթղթեր (տեղեկություններ և տվյալներ), կամ վերջինիս ընտրված մասնակից ճանաչելու մասին որոշումը չի համապատասխանում Հայաստանի Հանրապետության օրենսդրությանը, ապա այդ հիմքերն ի հայտ գալուց հետո Պատվիրատուն իրավունք ունի միակողմանիորեն լուծելու պայմանագիրը, եթե արձանագրված խախտումները մինչև պայմանագրի կնքումը հայտնի լինելու դեպքում գնումների մասին Հայաստանի Հանրապետության օրենսդրության համաձայն հիմք կհանդիսանային պայմանագիրը չկնքելու համար: Ընդ որում, Պատվիրատուն չի կրում պայմանագրի միակողմանի լուծման հետևանքով Կատարողի համար առաջացող վնասների կամ բաց թողնված օգուտի ռիսկը, իսկ վերջինս պարտավոր է Հայաստանի Հանրապետության օրենքով սահմանված կարգով փոխհատուցել իր մեղքով Պատվիրատուի կրած վնասներն այն ծավալով, որի մասով պայմանագիրը լուծվել է:

7.4 Պայմանագրի հետ կապված վեճերը ենթակա են քննության Հայաստանի Հանրապետության դատարաններում:

7.5 Պայմանագրում փոփոխություններ և լրացումներ կարող են կատարվել միայն Կողմերի փոխադարձ համաձայնությամբ՝ համաձայնագիր կնքելու միջոցով, որը կհանդիսանա պայմանագրի անբաժանելի մասը:

Արգելվում է պայմանագրում, իսկ եթե պայմանագրի գինը գործոնային է, ապա նաև այդ պայմանագրին կից հաջորդող յուրաքանչյուր տարիներին կնքված համաձայնագրում կատարել այնպիսի փոփոխություններ, որոնք հանգեցնում են գնվող աշխատանքի ծավալների կամ ձեռք բերվող աշխատանքի միավորի գնի կամ պայմանագրի գնի արհեստական փոփոխման:

Պայմանագրի կողմերից անկախ գործոնների ազդեցությամբ պայմանագրի փոփոխման յուրաքանչյուր դեպք սահմանում է Հայաստանի Հանրապետության կառավարությունը:

7.8 Աշխատանքի կատարման ժամկետը կարող է երկարաձգվել մինչև պայմանագրով այդ ժամկետը լրանալը՝ Կատարողի առաջարկության առկայության դեպքում՝ պայմանով, որ Պատվիրատուի մոտ չի վերացել աշխատանքի օգտագործման պահանջը, իսկ Կատարողի առաջարկությունը ներկայացվել է ոչ ուշ, քան պայմանագրով ի սկզբանե աշխատանքների կատարման համար սահմանված ժամկետը լրանալուց առնվազն 5 օրացուցային օր առաջ: Ընդ որում սույն կետով սահմանված դեպքում աշխատանքի կատարման ժամկետը կարող է երկարաձգվել մեկ անգամ մինչև 30 օրացուցային օրով, բայց ոչ ավել քան պայմանագրով սահմանված ժամկետն է:

7.9 Պայմանագրի պատշաճ կատարման պայմաններում կողմերի (Կատարող կամ Պատվիրատու) օգուտները (խնայողություններ) կամ կրած վնասները տվյալ կողմի օգուտը կամ կրած վնասն են:

Պայմանագրի կողմերի՝ երրորդ անձանց նկատմամբ պարտավորությունները՝ ներառյալ պայմանագրի կատարման շրջանակում Կատարողի կնքած այլ գործարքները և դրանցից բխող պարտավորությունները, դուրս են պայմանագրի կարգավորման դաշտից և չեն կարող ազդել պայմանագրի կատարման արդյունքն ընդունելու վրա: Այդ գործարքների և դրանցից բխող պարտավորությունների կատարման հետ կապված հարաբերությունները կարգավորվում են այդ գործարքների հետ կապված հարաբերությունները կարգավորող նորմերով, և դրանց համար պատասխանատու է Կատարողը:

7.10 Պայմանագիրը չի կարող փոփոխվել կողմերի պարտավորությունների մասնակի չկատարման հետևանքով կամ ամբողջությամբ լուծվել կողմերի փոխադարձ համաձայնությամբ՝ բացառությամբ՝ Հայաստանի Հանրապետության օրենսդրությամբ սահմանված կարգով աշխատանքի կատարման համար անհրաժեշտ ֆինանսական հատկացումների նվազեցման դեպքերի: Ընդ որում, պայմանագրի կողմերի՝ պարտավորությունների մասնակի չկատարման կամ ամբողջությամբ լուծման կողմերի փոխադարձ

համաձայնությունն անհրաժեշտ է ձեռք բերել նախքան Հայաստանի Հանրապետության օրենսդրությամբ սահմանված կարգով աշխատանքի կատարման համար անհրաժեշտ ֆինանսական հատկացումների նվազեցումը:

7.11 Կատարողի կողմից ստանձնած պարտավորությունները չկատարելու կամ ոչ պատշաճ կատարելու հիմքով պայմանագիրն ամբողջությամբ կամ մասնակի միակողմանի լուծելու մասին ծանուցումը Պատվիրատուն հրապարակում է [www.procurement.am](http://www.procurement.am) հասցեով գործող ինտերնետային կայքի «Պայմանագրերը միակողմանի լուծելու մասին ծանուցումներ» բաժնում՝ նշելով հրապարակման ամսաթիվը: Կատարողը, պայմանագիրը միակողմանի լուծելու վերաբերյալ, համարվում է պատշաճ ծանուցված՝ ծանուցումը, սույն կետով սահմանված հրապարակվելուն հաջորդող օրվանից:

7.12 Պայմանագրի կապակցությամբ ծագած վեճերը լուծվում են բանակցությունների միջոցով: Համաձայնություն ձեռք չբերելու դեպքում վեճերը լուծվում են ՀՀ դատարաններում:

7.13 Պայմանագիրը կազմված է \_\_\_\_\_ էջից, կնքվում է երկու օրինակից, որոնք ունեն հավասարազոր իրավաբանական ուժ: Սույն պայմանագրի N 1, N 2, N 3 և N 3.1 հավելվածները հանդիսանում են պայմանագրի անբաժանելի մասը, յուրաքանչյուր կողմին տրվում է պայմանագրի մեկ օրինակ:

7.14 Սույն պայմանագրի նկատմամբ կիրառվում է Հայաստանի Հանրապետության իրավունքը:

## 8. ԿՈՂՄԵՐԻ ՀԱՍՑԵՆԵՐԸ, ԲԱՆԿԱՅԻՆ ՎԱՎԵՐԱՊԱՅՄԱՆՆԵՐԸ ԵՎ ՍՏՈՐԱԳՐՈՒԹՅՈՒՆՆԵՐԸ

### Պ Ա Տ Վ Ի Ր Ա Տ ՈՒ

Վանաձորի համայնքապետարան  
ք.Վանաձոր Տիգրան Մեծի 22  
Կենտրոնական գանձապետարան  
Հ/Հ 900232521022  
ՀՎՀՀ 06901936  
Մ.Ասլանյան

(ստորագրություն)



### Կ Ա Տ Ա Ր Ո Ղ

«Ունո փրոջեքթ» ՍՊԸ  
Ք. Երևան, Կ. Ուլենցի 58/2  
«Ամերիա բանկ» ՓԲԸ  
Հ/Հ 1570015957170100  
ՀՎՀՀ 00123694  
Տնօրեն՝ Գ.Իվանյան

(ստորագրություն)





1	71241200/ 3	<p>Վանաձոր համայնքի մի շարք փողոցների հիմնանորոգում</p> <p>Տավրոսի 10-րդ և 15-րդ փողոցների երթևեկելի մասի հիմնանորոգում</p> <p>Մանուշյան փողոցի երթևեկ մասի հիմնանորոգում</p> <p>6-րդ դպրոց տանող ճանապարհի հիմնանորոգում</p> <p>Լազյան երթևեկելի մասի հիմնանորոգում</p> <p>Ջեյթունի փողոցից մինչև Սեբաստիայի փողոց հիմնանորոգում</p> <p>Վերածննդի փողոցից դեպի պոլիլինիկա տանող ճանապարհի երթևեկելի մասի հիմնանորոգում</p> <p>Արսլանյան փողոցի /սկզբնական մինչև Ջաբարյան փողոց/ երթևեկելի մասի հիմնանորոգում</p> <p>Ստեփանյան փողոցի /Աղստի փողոցից մինչև Մաշտոցի փողոց/ երթևեկելի մասի հիմնանորոգում</p> <p>Երեվանյան խճուղուց մինչև Չուխաջյան փողոց /18-րդ դպրոցի արևելյան կողմ / երթևեկելի մասի հիմնանորոգում</p> <p>2. Անդրանիկի փողոցի 1-ին նրբանցքի /դեպի մարզադահլիճ տանող փողոց/ երթևեկելի մասի հիմնանորոգում</p> <p>Լանջալին փողոցի երթևեկելի մասի հիմնանորոգում</p> <p>Իսահակյան 3-րդ նրբանցքի փողոցի երթևեկելի մասի հիմնանորոգում</p> <p>Մյաննիկյան փողոցի /բաղնիչի մաս/ երթևեկելի մասի հիմնանորոգում</p> <p>Բոշյան փողոցի երթևեկելի մասի հիմնանորոգում</p> <p>Հիմնանորոգվող փողոցների ընդհանուր երկարությունը կազմում է 13,0 կմ. Նախատեսել հետևյալ հիմնական աշխատանքները՝</p> <ol style="list-style-type: none"> <li>1. ասֆալտբետոնե ծածկույթի քանդում հիմնանորոգում</li> <li>2. եզրաքարերի փոխարինում</li> <li>3. մայթերի հիմնանորոգում</li> </ol>	դրամ	3.920.000	3.920.000	1	<p>«ՀՀ Լոռու մարզի Վանաձորի համայնքապետարան, Տիգրան Մեծի 22»</p>	<p>Պայմանագիրը ուժի մեջ մտնելու օրվանիստ սկսած 45 օրացուցային օրվա ընթացքում</p>
---	----------------	--	------	-----------	-----------	---	--	--

		<p>4. ջրահեռացման համակարգերի կառուցում</p> <p>2. Վանաձոր համայնքի մի շարք այգիների և պուրակների հիմնանորոգում</p> <p>Նախատեսվում է հիմնանորոգել հետևյալ օբյեկտները՝</p> <p>1. Ռ. Սևակի անվան զբոսայգու հիմնանորոգում - 1,2 հա</p> <p>2. Հանրապետության պուրակի հիմնանորոգում - 0,6 հա</p> <p>3. Կ. Արուսյանի անվան պատկերասրահին հարակից պուրակի հիմնանորոգում - 0,4 հա</p> <p>4. Թատերական հրապարակի հիմնանորոգում - 0,4 հա</p> <p>Հիմնանորոգման աշխատանքներում նախատեսվելու է հետևյալ գործերը՝  Բետոնե դեկորատիվ սալիկների փոխարինում, եզրաքարերի փոխարինում, սիգամարգերի բարեկարգում, պուրակային լուսավորության կառուցում:</p> <p>Եռաչափ տեսքերի ներկայացում:</p> <p>3. Վանաձոր համայնքի Հայքի հրապարակի հիմնանորոգում և</p>					
--	--	--	--	--	--	--	--

	<p>բարեկարգում</p> <p>Նախատեսվում է հիմնանորոգել Վանաձորի կենտրոնական հայքի հրապարակը 1,2 հա մակերեսով՝ Հիմնանորոգման աշխատանքներում նախատեսել հետևյալ գործերը՝</p> <p>Բազալտե սալիկների փոխարինում, եզրաքարերի փոխարինում, սիզամարգերի բարեկարգում, պուրակային լուսավորության կառուցում: Ջրավազանի ջրամեկուսացում, շատրվանների փոխարինում նոր ժամանակակից, լուսային, ձայնային, պարող շիթերով շատրվանների: Ինժեներական ենթակառուցվածքների փոխարինում, հիմնանորոգում Եռաչափ տեսքերի ներկայացում:</p> <p>4 Վանաձոր համայնքի Կ. Աբովյանի անվան կերպարվեստի թանգարանի շենքի հիմնանորոգում</p> <p>Նախատեսվում է հիմնանորոգել ք. Վանաձոր, Տիգրան Մեծ 54 հասցեում գտնվող Վանաձորի Կ. Աբովյանի անվան կերպարվեստի թանգարանի եռահարկ շենքը / ընդհանուր մակերեսը 2200 քմ/: Շենքը ներառված է Լոռու մարզի պատմության և մշակույթի անշարժ հուշարձանների ցանկում: Մասնավորապես՝</p> <p>Ճակատային վիտարժների փոխարինում</p> <p>Տանիքի հիմնանորոգում</p> <p>Ներքին պատերի և առաստաղի վերանորոգում</p> <p>Մանրատախտակից հատակների</p>								
--	--	--	--	--	--	--	--	--	--

		<p>փոխարինում      պրեսգրանիտե      հատակներով      էլ. սնուցման և      լուսավորության ներքին      ցանցերի ամբողջական      փոխարինում նոր      համակարգերով,      էլ. Սնուցմամբ ջեռուցման      համակարգի նախագծում      Ներքին դռների      փոխարինում:      Արտաքին եռաչափ      տեսքի նախագծում</p> <p>5. Վանաձոր      համայնքի Ծանրամարտի      մարզադպրոցի շենքի      վերակառուցում</p> <p>Նախատեսվում է      ապամոնտաժել      մարզադպրոցի հին      մասնաշենքը /321 քմ/      կառուցել նոր, ե/բ      միաձույլ      հիմնակմախքով,      8.7x36,9մ արտաքին      հիմնական չափերով,      քարե արտաքին      պատերով մասամբ      երկահարկ, մասամբ      միահարկ / դահլիճի մաս/      կառույց:      Մարզադպրոցում      նախատեսել հետևյալ      հիմնական սենքերը՝      1-ին հարկ -      մարզադահլիճ, բուժկետ,      հանդերձարաններ,      սանհանգույցներ,      ցնցողարաններ,      շոգեբաղնիք      2-րդ հարկ - տնօրենի,      ուսմասվարի,      մարզչական      աշխատասենյակներ,      հաշվապահություն,      սանհանգույց,      ցնցողարան, օժանդակ և      սպասարկող այլ սենքեր:      Հատակները - խեցեսալ,      մամլոգրանիտ      Ներքին հարդարում -      գաջե և ց/ավազե սվաղ,      ներկում լատեքսով,      կերամիկական սալիկներ      Տանիքը - ծրարածև,      կազմակերպված      ջրահեռացմամբ      Ներքին ինժեներական      ցանցեր -      ջրամատակարարում,</p>						
--	--	--	--	--	--	--	--	--

ջրահեռացում, էլ.  
 սնուցում,  
 լուսավորություն,  
 հակահրդեհային  
 ազդանշան համակարգ,  
 ջեռուցում,  
 գազամատակարարում:  
 Արտաքին հարդարում -  
 սվաղում, ներկում ,  
 երեսպատում տուֆե  
 սալիկներով:  
 Արտաքին բարեկարգում:

Կազմել և պատվիրատուի  
 հաստատմանը  
 ներկայացնել  
 նախագծային  
 առաջադրանքը  
 (ճարտարապետահատակ  
 ազծային առաջադրանք):  
 Նախագծային  
 փաստաթղթերը կազմել  
 ՀՀ-ում գործող  
 շինարարական նորմերին  
 և կանոններին  
 համաձայն:  
 Նախագծային  
 փաստաթղթերը պետք է  
 կազմված լինեն հայերեն  
 լեզվով և ներկայացվեն  
 չորս օրինակ թղթային  
 օրինակով և մեկ  
 էլեկտրոնային կրիչով:  
 Նախագծային  
 փաստաթղթերը պետք է  
 մշակված լինեն  
 համակարգչային հատուկ  
 ծրագրերի կիրառման  
 միջոցով, կազմված լինեն  
 գունավոր և ընթեռնելի:  
 Նախագծանախահաշվայ  
 ին փաստաթղթերը պետք  
 է կազմվեն և  
 ներկայացվեն  
 փորձաքննությամբ,  
 համաձայն ՀՀ  
 կառավարության  
 19.03.2015թ. N 596-Ն  
 որոշման:  
 Նախագծային  
 փաստաթղթերի կազմը  
 պետք է ներառի ոչ  
 պակաս քան ստորև  
 նշված մասերը, ընդ որում  
 նախագծերը պետք է  
 կազմել ՀՀ  
 Կառավարությանն  
 առընթեր  
 քաղաքաշինության  
 պետական կոմիտեի  
 նախագահի 11.09.2017թ.  
 թիվ 128-Ն հրամանի  
 համաձայն, իսկ

	<p>Նախահաշիվները կազմել &lt;&lt; Կառավարության 23.06.2011թ. թիվ 879-Ն որոշմամբ սահմանված կարգի համապատասխան:</p> <ul style="list-style-type: none"> <li>- ճարտարապետական, կոնստրուկտիվ և ինժեներական լուծումների գծագրեր</li> <li>- նախահաշիվ</li> <li>- նախահաշվի հիման վրա կազմված ծավալաթերթ-նախահաշիվ</li> <li>Նախագիծը համաձայնեցնել պատվիրատուի ճարտարապետության և քաղաքաշինության բաժնի, համապատասխան շահագրգիռ ստորաբաժանումների, ինչպես նաև ըստ անհրաժեշտության պետական լիազոր մարմինների հետ Նախագիծը պատվիրատուի կողմից կընդունվի միայն փորձաքննության դրական եզրակացության առկայության դեպքում</li> </ul>									
--	---	--	--	--	--	--	--	--	--	--

\* աշխատանքի կատարման վերջնաժամկետը չի կարող ավել լինել, քան տվյալ տարվա դեկտեմբերի 25-ը:

**ՊԱՏՎԻՐԱՏՈՒ**

Վանաձորի համայնքապետարան  
 ք.Վանաձոր Տիգրան Մեծի 22  
 Կենտրոնական գանձապետարան  
 Հ/Հ 900232521022  
 ՀՎՀՀ 06901936  
 Մ.Ասլանյան

  
  
 /ստորագրություն/  
 Կ.Տ

**ԿԱՏԱՐՈՂ**

«Ունո փրոջեքթ» ՍՊԸ  
 Ք. Երևան, Կ. Ուլենցի 58/2  
 «Ամերիա բանկ» ՓԲԸ  
 Հ/Հ 1570015957170100  
 ՀՎՀՀ 00123694  
 Տնօրեն՝ Գ.Իվանյան

  
  
 /ստորագրություն/  
 Կ.Տ

ՀՀ դրամ

Աշխատանքի																
հրավերով նախատեսված չափաբաժնի համարը	գնումների պլանով նախատեսված միջանցիկ ծածկագիրը՝ ըստ ԳՄԱ դասակարգման (CPV)	անվանումը	դիմաց վճարումները նախատեսվում է իրականացնել 2019թ-ին՝ ըստ ամիսների, այդ թվում**													
			հունվար	փետրվար	մարտ	ապրիլ	մայիս	հունիս	հուլիս	օգոստոս	սեպտեմբեր	հոկտեմբեր	նոյեմբեր	դեկտեմբեր	Ընդամենը	
1	71241200/3	Նախագծանախահաշվային փաստաթղթերի մշակման և փորձաքննության եզրակացության տրամադրման աշխատանքներ						3920000	3920000	3920000	3920000	3920000	3920000	3920000	3920000	3920000

**ՊԱՏՎԻՐԱՏՈՒ**

Վանաձորի համայնքապետարան  
ք.Վանաձոր Տիգրան Մեծի 22  
Կենտրոնական գանձապետարան  
Հ/Հ 900232521022  
ՀՎՀՀ 06901936  
Մ.Ասլանյան

/ստորագրություն/  
Կ.Տ.



**ԿԱՏԱՐՈՂ**

«Ունո փրոջեքթ» ՍՊԸ  
Ք. Երևան, Կ. Ուլենցի 58/2  
«Ամերիա բանկ» ՓԲԸ  
Հ/Հ 1570015957170100  
ՀՎՀՀ 00123694  
Տնօրեն՝ Գ.Իվանյան

/ստորագրություն/  
Կ.Տ.

